

禹州志目錄

卷一

輿圖

卷二

紀事沿革表

卷三

封系表

卷四

職官表

卷五

選舉表

卷六

疆域志 附形勢街巷里甲

卷七

山川志

卷八

古蹟志

卷九

戶口志 附風俗土產

卷十

田賦志

附軍政

漕規

郵政

一 郵政

卷十一

建置志

附諸倉

蠲賑

卷十二

學校志

明書院

訪表

卷十三

祠祀志

卷十四

寺觀志

卷十五

陵墓志

卷十六

經籍志附金石

卷十七

列傳良吏 賢婦

卷十八

列傳名臣

卷十九

列傳治行 耆碩

卷二十

列傳忠義 孝友 備行

卷二十一

列傳文苑 義行 隱逸 方技 三氏 寓賢

卷二十二

列傳雜傳

卷二十三

列傳列女上

卷二十四

列傳列女下

卷二十五

識餘

卷二十六

志原

同州志卷十

田賦志

禹境山田十之三土田十之七周秦而後久稱沃饒潁水竭泉資灌溉自明季兵燹幾成邱墟至我

朝定鼎休養生息百八十年間井恬熙遷流久復而則壤成賦之規遂大著于河洛間矣古者任土作貢雖羽毛齒革亦登于府又况布地宜均地職爲

國家維正之供哉夫溝渠未興則耕鑿無恃豪俠偶肆則倉庾易傾牧民之長敢不務于富教且使之計口儉餐積貯于豐稔以待不虞也述田賦志

原額平崗山叁色共地壹萬叁千肆百壹拾頃

原額銀伍萬壹百壹兩捌錢肆分壹釐又添布鉛加價銀肆兩陸錢柒分又萬歷年間每畝增玖釐原額銀壹萬貳千陸拾玖兩

叁項共原額銀陸萬貳千壹百柒拾伍兩伍錢壹分壹釐
遇閏加額銀壹千玖拾貳兩肆錢伍分陸釐

平地壹萬壹千肆百叁拾捌畝肆拾捌分伍釐每畝照依
則例派銀肆分玖釐捌毫壹絲玖忽伍微伍纖貳沙捌塵柒埃
壹渺捌漠

原額銀伍萬陸千玖百捌拾陸兩叁分捌釐

遇閏加額銀壹千壹兩貳錢柒分肆釐每畝派銀捌毫柒絲伍忽叁微伍纖伍沙

崗地壹千叁百柒拾壹頃陸玖分伍釐每畝照依則例派銀貳分玖釐肆毫玖忽柒纖陸沙肆塵叁埃伍沙玖漠原額銀肆千叁拾肆兩貳分玖釐

遇閏加額銀柒拾兩捌錢捌分每畝派銀伍毫壹絲陸忽柒微肆纖伍沙

山地伍百玖拾玖頃捌拾肆分玖分每畝照依則例派銀壹分玖釐貳毫陸絲貳忽貳微肆纖壹沙伍塵伍埃

原額銀壹千壹百伍拾伍兩肆錢肆分肆釐

遇閏加額銀貳拾兩叁錢貳釐
毋畝瓜銀叁毫叁絲捌忽肆微
伍織壹沙壹塵壹埃壹渺內

順治叁年正月內巡按甯 具題奉

旨免荒徵熟

除荒蕪無主平地肆千柒百玖拾柒拾陸畝陸分壹釐陸毫

除荒連閏銀貳萬叁千捌百柒拾伍兩玖錢捌分伍釐

除荒蕪無主崗地玖拾陸頃柒拾柒畝陸分伍釐肆毫

除荒連閏銀貳百捌拾玖兩陸錢伍分

除荒蕪無主山地壹拾叁頃捌拾陸畝陸分伍釐

除荒連閏銀貳拾柒兩柒錢壹分伍釐

乾隆元年玖月內巡撫富 具題奉

旨豁免水冲平崗山參包共民地壹拾壹頃玖畝玖分柒釐
除豁銀伍拾壹兩貳錢壹分壹釐貳毫

閏月銀捌錢玖分玖釐捌毫

連閏共銀伍拾貳兩壹錢壹分壹釐

以上除荒並水冲共地肆千捌百叁拾壹頃伍拾畝捌分玖釐
共除荒並豁免連閏共銀貳萬肆千貳百肆拾伍兩肆錢陸分
壹釐內有雍正捌年分勸~~銀~~暫就山地則崗地捌畝肆分至乾隆
庚申年拾年後限滿起科~~銀~~就山地則例連閏該銀壹錢陸分
肆釐柒毫

又勸墾山地壹拾玖畝至乾隆庚申年拾年後限滿起科連閩
共該銀叁錢柒分貳釐肆毫

雍正玖年分勸墾暫就山地半地叁拾玖畝玖分肆釐至乾隆
辛酉年拾年後限滿起科暫就山地則例連閩該銀柒錢捌分
貳釐捌毫

又勸墾暫就山則崗地叁畝叁分至乾隆辛酉年拾年後限滿
起科暫就山地則例連閩該銀陸分捌毫

又勸墾山地壹拾畝陸分至乾隆辛酉年拾年後限滿起科連
閩共該銀貳錢柒釐捌毫

雍正拾年分勸墾暫就山則平地伍分至乾隆壬戌年拾年後

限滿起科暫就山地則例連閩共該銀玖釐捌毫

又勸墾山地伍畝陸分叁釐壬乾隆壬戌年拾年後限滿起科連閩共該銀壹錢壹分肆毫

雍正拾叁年分勸墾暫就山則平地貳拾柒畝壹分玖釐玖毫至乾隆乙丑年拾年後限滿起科暫就山地則例連閩該銀伍錢叁分叁釐壹毫

又勸墾暫就山則崗地肆拾柒畝伍分捌釐陸毫至乾隆乙丑年拾年後限滿起科暫就山地則例連閩該銀玖錢叁分貳釐柒毫

又勸墾山地叁畝至乾隆乙丑年拾年後限滿起科連閩共該

銀伍分捌釐捌毫

雍正拾貳年報墾老荒平地壹頃捌拾壹畝玖分肆釐至乾隆甲子年拾年後限滿起科連閏共該銀玖兩貳錢貳分叁釐伍毫

又報墾老荒崗地玖拾叁畝柒分伍釐至乾隆甲子年拾年後限滿起科連閏共該銀貳兩捌錢伍釐陸毫

又報墾老荒山地叁頃貳拾畝肆分柒釐至乾隆甲子年拾年後限滿起科連閏共該銀陸兩貳錢捌分壹釐伍毫

雍正拾叁年分報墾老荒平地叁拾貳畝捌分至乾隆乙丑年拾年後限滿起科連閏共該銀壹兩陸錢陸分貳釐捌毫

又報墾老荒崗地壹拾叁畝壹分至乾隆乙丑年拾年後限滿起科連閏共該銀叁錢玖分貳釐壹毫

又報墾老荒山地貳頃伍畝玖分陸釐至乾隆乙丑年拾年後限滿起科連閏共該銀肆兩叁分柒釐

見種行糧成熟並康熙玖年起至雍正陸年止勸墾自首及雍正拾叁年夾荒入額共地捌千伍百柒拾捌頃肆拾玖畝壹分壹釐內分

平地叁千貳百玖頃貳畝玖分伍釐肆毫每畝正供襍辦並加增玖釐連閏派銀伍分陸毫玖絲肆忽玖微柒沙捌塵柒埃六渺捌漠內除每畝減徵米價銀壹釐玖毫壹絲肆忽肆微玖微

叁沙壹塵貳埃外每畝止該連閭派銀肆分捌釐柒毫捌絲肆
微壹纖肆沙柒塵伍埃壹渺捌漠

連閭共派銀叁萬貳千柒百肆拾貳兩貳分柒毫柒絲玖忽貳
微每畝該派本色漕米貳合肆勺壹撮肆圭玖粟伍粒伍顆

共該本色漕米壹千陸百壹拾叁石陸斗玖升柒合貳勺柒抄
陸撮每石價銀捌錢

共該米價銀壹千貳百玖拾兩玖錢伍分柒釐捌毫貳絲捌微
崗地壹千貳百柒拾叁頃壹拾畝伍分陸毫伍釐止供襍辦並
加增玖釐連閭派銀貳分玖釐玖毫貳絲陸忽伍微貳纖壹沙
肆塵叁埃伍渺玖漠內除每畝減徵米價銀壹釐壹毫叁絲肆

忽柒織壹沙貳塵捌埃外每畝止該連閩派銀貳分捌釐柒毫玖絲貳忽肆微伍織壹塵伍埃伍渺玖漠

連閩共派銀叁千陸百陸拾伍兩肆錢柒釐肆毫壹絲陸忽貳微肆織每畝該派本色漕米壹合肆勺壹抄柒撮伍圭捌粟玖粒壹顆

共該本色漕米壹百捌拾石肆斗柒升叁合玖勺柒抄玖撮柒圭每石價銀捌錢

共該米價銀壹百肆拾肆兩叁錢柒分玖釐壹毫捌絲叁忽柒微陸織

山地伍百捌拾伍頃捌拾叁畝肆分伍釐每畝正供襍辦並加

增玖釐連閏瓜銀壹分玖釐陸毫陸微玖纖貳沙陸塵陸埃壹
渺內除每畝減徵米價銀柒毫肆絲貳忽肆微伍纖玖沙陸塵
每畝止該連閏瓜銀壹分捌釐捌毫伍絲捌忽貳微叁纖叁沙
陸埃

共該連閏銀壹千壹百肆兩貳錢肆分肆釐玖毫伍絲陸忽捌
纖每畝該瓜本色漕米玖勺貳抄捌撮柒粟肆粒伍顆

共該本色漕米伍拾肆石叁斗陸升玖合捌勺肆撮玖圭每石
價銀捌錢

共該米價銀肆拾叁兩肆錢玖分伍釐捌毫肆絲叁忽玖微貳
纖

雍正參年民墾暫就山則平地陸畝肆分每畝正供稌辦並加
增玖釐連閏派銀壹分玖釐陸毫陸微玖纖貳沙陸塵陸埃壹
泚內除每畝減微米價銀柒毫肆絲貳微貳纖捌埃外每畝止
該連閏派銀壹分捌釐捌毫陸絲肆微柒纖貳沙伍塵捌埃壹
泚

共該連閏銀壹錢貳分柒毫陸絲壹忽陸微每畝該派本色漕
米玖勺貳抄伍撮貳圭柒粟伍粒壹顆

共該本色漕米伍合玖勺貳抄叁撮每石價銀捌錢

共該米價銀肆釐柒毫叁絲捌忽肆微

雍正肆年民墾暫就山則平地壹拾壹畝貳分每畝正供稌辦

並加增玖釐連閩派銀壹分玖釐陸毫陸微玖纖貳沙陸塵陸
埃壹渺內除每畝減徵米價銀柒毫肆絲貳微貳纖捌埃外每
畝止該連閩派銀壹分捌釐捌毫陸絲肆微柒纖貳沙伍塵捌
埃壹渺

共該連閩銀貳錢壹分壹釐貳毫壹絲壹忽貳微每畝該派本
色漕米玖勺貳抄伍撮貳圭柒粟伍粒壹顆

共該本色漕米壹升叁勺陸抄壹撮每石價銀捌錢

共該米價銀捌釐貳毫捌絲捌忽捌微

雍正伍年民墾暫就山則平地肆拾捌畝陸分每畝正供襍辦
並加增玖釐連閩派銀壹分玖釐陸毫陸微玖纖貳沙陸塵陸

埃壹渺內除每畝減徵米價銀柒毫肆絲貳微貳纖捌埃外每
畝止該連閏派銀壹分捌釐陸毫陸絲肆微柒纖貳沙伍塵捌
埃壹渺

共該連閏銀玖錢壹分陸釐伍毫貳絲柒忽貳微每畝該派本
色漕米玖勺貳抄伍撮貳圭柒粟伍粒壹顆

共該本色漕米肆升肆合玖勺陸抄陸撮每石價銀捌錢

共該米價銀叁分伍釐玖毫柒絲貳忽捌微

又勸墾暫就山則崗地肆拾壹畝壹分每畝正供襍辦並加增
以釐連閏派銀壹分玖釐陸毫陸微玖纖貳沙陸塵陸埃壹渺
內除每畝減徵米價銀柒毫肆絲貳微貳纖捌埃外每畝止該

連閩派銀壹分捌釐捌毫陸絲肆微柒纖貳沙伍塵捌埃壹渺
共該連閩銀柒錢柒分伍釐壹毫柒絲陸忽每畝該派本色漕
米玖勺貳抄伍撮貳圭柒粟伍粒壹顆

共該本色漕米叁升捌合叁抄每石價銀捌錢

共該米價銀叁分肆毫貳絲肆忽

雍正柒年民墾暫就山則平地伍畝伍分每畝正供襍辦並加
增玖釐連閩派銀壹分玖釐陸毫陸微玖纖貳沙陸塵陸埃壹
渺內除每畝減徵米價銀柒毫肆絲貳微貳纖捌埃外每畝
該連閩派銀壹分捌釐捌毫陸絲肆微柒纖貳沙伍塵捌埃

渺

共該連閩銀壹錢叁釐柒毫貳絲陸忽肆微每畝該派本色漕米玖勺貳抄伍撮貳圭柒粟伍粒壹顆

共該本色漕米伍合玖抄貳撮每石價銀捌錢

共該米價銀肆釐柒絲叁忽陸微

又勸墾舊就山則崗地伍畝每畝正供襍辦並加增玖釐連閩派銀壹分玖釐陸毫陸微玖纖貳沙陸塵陸埃壹渺內除每畝減徵米價銀柒毫肆絲貳微貳纖捌埃外每畝止該連閩派銀壹分捌釐捌毫陸絲肆微柒纖貳沙伍塵捌埃壹渺

共該連閩銀玖分肆釐貳毫玖絲玖忽貳微每畝該派本色漕米玖勺貳抄伍撮貳圭柒粟伍粒壹顆

共該本色漕米肆合陸勺貳抄陸撮每石價銀捌錢

共該米價銀叁釐柒毫捌微

以上連閏共派銀叁萬柒千伍百肆拾叁兩貳分肆釐陸忽肆
微

共該本色漕米壹千捌百肆拾捌石伍斗肆升壹合陸抄陸圭
每石價銀捌錢

共該米價銀壹千肆百柒拾捌兩捌錢叁分貳釐捌毫肆絲捌
忽肆微捌纖每畝均派補徵銀捌毫肆絲陸忽捌微玖纖叁塵
壹埃貳渺

共該補徵銀柒百貳拾陸兩伍錢肆釐壹毫貳絲叁忽捌纖捌渺

該攤派丁銀壹千柒拾壹兩玖錢

以上丁地通共實徵起存本折並補徵米價墾首地畝等項連
閏共銀肆萬捌百貳拾兩玖錢壹分壹毫貳絲叁忽捌纖捌沙
壹折色起運項下

折色連閏共原額銀陸萬陸千捌百貳拾壹兩叁錢叁分柒釐
肆毫壹絲捌纖玖沙柒塵

除荒實徵連閏銀叁萬伍千壹百玖拾兩叁錢柒分捌釐壹毫
貳絲壹忽肆微捌纖貳沙內除

徑解糧驛道陸捌漕折輕齎折蓆等項共銀貳百肆拾壹兩肆
錢陸分柒釐伍毫壹絲柒忽貳微

教官俸補額銀柒拾壹兩陸錢陸分陸釐陸毫

各役工食補額銀伍百肆拾伍兩肆錢柒分玖釐叁絲

民壯工食補額銀壹百玖拾叁兩陸錢捌分叁釐貳毫

孤貧歲支月糧花布銀壹百肆拾肆兩肆分貳釐柒毫

廩生額支廩糧銀壹百叁拾兩

文廟祭祀補額銀叁拾捌兩壹錢貳釐柒毫

武廟祭祀銀肆拾兩

均勻壇廟祭祀不敷銀拾貳兩陸錢捌釐柒毫肆絲伍忽

實該起運解司折色銀叁萬叁千柒百柒拾叁兩叁錢叁分伍

釐柒毫貳絲玖忽貳微捌纖貳沙

壹本色起運項下

本色起運原額銀伍千貳百肆拾貳兩柒錢柒分玖釐壹毫叁絲

除荒實徵銀壹千伍百玖拾陸兩柒錢肆分肆釐貳毫伍絲捌忽伍微壹纖捌沙

補徵銀貳百玖拾玖兩陸錢捌釐玖毫貳絲叁忽捌纖捌沙
貳項共銀壹千捌百玖拾陸兩肆錢壹分叁釐壹毫捌絲壹忽陸微陸沙

戶部本色起運

正兌原額米貳千貳百石每石價銀貳錢陸分伍釐原額銀貳

千壹百貳拾叁兩

除荒實徵米陸百陸拾陸石肆斗肆升肆合壹勺

除荒實徵銀陸百肆拾叁兩壹錢壹分捌釐伍毫伍絲陸忽伍
微

外貳伍加耗原額米伍百伍拾石

除荒實徵米壹百陸拾陸石陸斗壹升壹合貳抄伍撮

路費原額銀壹拾柒兩捌錢叁分貳釐

除荒實徵銀伍兩肆錢壹釐捌毫叁絲貳忽叁微伍纖玖沙

火耗原額銀貳兩玖錢柒分貳釐

除荒實徵銀玖錢叁毫伍忽叁微玖纖叁沙

改兌原額米貳千石每石價銀貳米錢陸分伍釐

原額銀壹千伍百叁拾兩

除荒實徵米陸百伍石捌斗肆升柒合陸勺

除荒實徵銀肆百陸拾叁兩肆錢捌分捌釐叁毫叁絲壹忽伍
微

外壹柒加耗原額米叁百肆拾石

除荒實徵米壹百貳石玖斗玖升柒合肆勺柒撮

貳項加賠頭原額銀貳百壹拾伍兩肆錢

除荒實徵銀陸拾伍兩貳錢伍分壹釐捌毫捌絲陸忽陸微柒

織

奇糧官盤費原額銀陸兩

除荒實徵銀壹兩捌錢壹分柒釐陸毫壹忽叁微

以上正改兌漕米遵照部文每漕糧壹百石加閏耗銀伍兩米伍石查本州共該實徵漕糧正米壹千貳百柒拾貳石叁斗壹升壹合貳勺該加潤耗銀陸拾叁兩陸錢壹分伍釐伍毫陸絲該加潤耗米陸拾叁石陸斗壹升伍合伍勺陸抄每石價銀捌錢共該銀伍拾兩捌錢玖分貳釐肆毫肆絲捌忽共該補徵銀壹百壹拾肆兩伍錢捌釐捌忽又照部文正耗漕米每石價銀捌錢 例編徵查本州共該實徵正耗漕米壹千伍百肆拾壹石玖斗壹升玖合陸勺叁抄貳撮共該價銀壹千貳百叁拾叁

兩伍錢叁分伍釐柒毫伍絲陸微除照舊例實徵正米價銀壹
千壹百陸兩陸錢陸釐捌毫捌絲捌忽仍該補徵耗米價銀壹
百貳拾陸兩玖錢貳分捌釐捌毫壹絲柒忽陸微

以上正耗米價並潤耗米價共銀壹千貳百捌拾肆兩肆錢貳
分捌釐壹毫伍絲叁忽陸微內奉文每石節省銀壹錢伍分該
銀貳百肆拾兩捌錢叁分貳毫柒絲捌忽捌微留爲該州運米
脚費之用實存每石陸錢伍分米價銀壹千肆拾叁兩伍錢玖
分柒釐捌毫柒絲肆忽捌微徵收本色起運

臨清廣積貳倉奉文改撥運軍行糧原額米玖百貳拾壹石陸
斗伍升每石價銀捌錢

原額銀柒百叁拾柒兩叁錢貳分

除荒實徵米貳百柒拾玖石壹斗玖升捌合肆勺柒抄叁撮

除荒實徵銀貳百貳拾叁兩叁錢伍分捌釐柒毫柒絲捌忽肆

微

外加壹耗原額米玖拾貳石壹斗陸升伍合

除荒實徵米貳拾柒石玖斗壹升玖合捌勺肆抄柒撮叁圭遵
奉部文照依正米每石價銀捌錢該補徵銀貳拾貳兩叁錢叁
分伍釐捌毫柒絲伍忽伍微陸纖捌沙

路費原額銀叁兩陸錢捌分陸釐陸毫

除荒實徵銀壹兩壹錢壹分陸釐柒毫玖絲叁忽捌微玖纖

以上臨清廣積二倉正耗米價並補徵蓆葦路費共銀貳百伍拾壹兩貳錢柒分捌釐陸毫貳絲伍忽柒微仍徵折色徑解糧道

德州倉新奉文改撥運軍行糧原額米柒百貳拾玖石貳斗伍升每石價銀捌錢

原額銀伍百捌拾叁兩肆錢

除荒實徵米貳百貳拾石玖斗壹升肆合貳抄陸撮

除荒實徵銀壹百柒拾陸兩柒錢叁分伍毫肆絲捌微

外加壹耗原額米柒拾貳石玖斗貳升伍合

除荒實徵米貳拾貳石玖升壹合肆勺肆抄陸圭遵奉部文照

依正米每石價銀捌錢該補徵銀壹拾柒兩陸錢柒分叁釐壹毫伍絲肆忽

賄頭原額銀貳兩玖錢壹分柒釐

除荒實徵銀捌錢捌分叁釐陸毫伍絲柒忽

以上德州倉正耗米價共銀壹百玖拾肆兩肆錢肆釐陸毫玖絲肆忽內奉文每石節省銀壹錢伍分該叁拾陸兩肆錢伍分捌釐捌絲貳微徑解糧道彙行報部實存每石陸錢伍分米價銀壹百伍拾柒兩玖錢伍分叁釐捌毫壹絲肆忽伍微徵收本色支軍

甲字庫本色布壹拾柒疋壹拾肆尺每疋價銀叁錢腳價銀

分銷銀伍分其該布價銀伍兩貳錢柒分伍釐脚價銀伍錢貳分柒釐伍毫鋪墊銀捌錢柒分玖釐壹毫柒絲共該額價銀陸兩陸錢捌分壹釐陸毫柒絲內改折布叁疋壹拾貳尺肆寸遵奉部文照依康熙柒年本色布每疋估定時價銀壹兩徵解共該銀叁兩伍錢壹分陸釐陸毫柒絲除舊徵銀壹兩叁錢叁分陸釐叁毫叁絲仍該補徵銀貳兩壹錢捌分叁毫肆絲於康熙三十年三月奉文仍解本色

每年額解本色布壹拾肆尺壹疋陸寸照依原估時值每疋價銀玖錢叁分共該銀壹拾叁兩捌分貳釐除照舊徵銀伍兩叁錢肆分伍釐叁毫肆絲仍該補徵銀柒兩柒錢叁分陸釐陸毫

陸絲遵照康熙貳拾肆年正月奉文減定每疋價銀叁錢又於
乾隆叁年正月遵奉部覆奏准每疋增價銀叁錢伍分共價銀
陸錢伍分該銀玖兩壹錢肆分叁釐叁毫叁絲叁忽叁微

每疋鋪墊銀伍分

共該鋪墊銀柒錢叁釐叁毫叁絲叁忽叁微

該扣餘剩並脚價銀叁兩貳錢叁分伍釐叁毫叁絲叁忽解司
充餉

甲字庫本色黑鉛壹百貳拾斤拾兩實徵額價銀伍兩伍錢陸
分玖釐捌毫陸絲照依原值時值每斤價銀柒分捌釐該銀玖
兩肆錢捌釐柒毫伍絲除照舊徵銀伍兩伍錢陸分玖釐捌毫

陸絲仍該補征銀叁兩捌錢叁分捌釐捌毫玖絲於康熙叁拾伍年玖月奉文改折壹分黑鉛肆拾斤叁兩叁錢叁分叁釐叁毫照依部定價值每斤價銀叁分伍釐該銀壹兩肆錢柒釐貳毫玖絲貳忽

火耗銀柒釐肆絲

應解本色貳分黑鉛捌拾斤陸兩陸錢陸分陸釐柒毫於康熙肆拾伍年玖月奉文停解本色照依部定價值每斤價銀叁分伍釐該銀貳兩捌錢壹分肆釐伍毫捌絲叁忽

又該鋪墊銀捌錢捌分肆釐伍毫捌絲叁忽

火耗銀壹分肆釐柒絲

該扣餘剩銀叁兩叁分捌釐捌毫玖絲解司充餉

工部本色起運原額弓貳張折牛角貳副每副額銀肆兩

共該原額銀捌兩於康熙叁拾玖年貳月內奉文停解本色

除荒實徵牛角陸分叁毫貳絲叁忽

除荒實徵銀貳兩肆錢壹分貳釐玖毫貳絲於康熙貳拾肆年

正月遵奉部文減定價值每副價銀壹兩該銀陸錢叁釐貳毫

叁絲

該扣餘剩銀壹兩捌錢玖釐陸毫陸絲解司充餉

以上各款顏料等項共扣餘剩銀捌兩捌錢捌分叁釐玖毫壹

絲叁忽肆微於乾隆貳拾叁年拾壹月內遵奉部各酌請簡易

統歸地丁解貯司庫

壹存留項下

壹存留原額銀壹萬叁千捌拾貳兩叁錢捌分肆釐叁毫

除荒實徵銀叁千肆百伍拾捌兩柒錢陸分玖釐玖毫玖絲

閏月原額銀玖百捌拾叁兩壹錢陸分叁釐捌毫

除荒實徵銀貳百柒拾伍兩叁錢肆分捌釐捌毫伍絲內

河工款項

河夫原額銀柒百貳拾陸兩

除荒實徵銀壹百玖拾壹兩玖錢肆分貳釐陸毫解交河庫

協濟驛站款項

協濟驛站共原額銀壹千柒百捌拾兩玖釐

除荒實徵銀肆百柒拾兩陸錢伍分伍釐

閏月原額銀壹百肆拾捌兩叁錢叁分肆釐

除荒實徵銀肆拾壹兩伍錢肆分叁釐

連閏實徵共銀伍百壹拾貳兩壹錢肆分捌釐伍毫係康熙柒

年改充兵餉

本州驛站欸項

本州驛站原額銀捌千伍百叁兩貳錢

除荒實徵銀貳千貳百肆拾捌兩壹錢捌釐

閏月原額銀柒百捌兩肆錢玖分玖釐玖毫

除荒實徵銀壹百玖拾捌兩肆錢貳分伍釐叁毫叁絲
連閏實徵共銀貳千肆百肆拾陸兩伍錢叁分叁釐叁毫伍絲
康熙拾肆年奉文通融計算裁肆留陸至康熙貳拾年欽奉

恩詔案內准復貳分其應支應裁實在銀數向係糧駟鹽道造報嗣
於乾隆肆拾肆年改隸按察司管理現由該司按年造報奏銷

順治拾叁年舊裁欵項

本州知州俸閏月原額銀陸兩陸錢陸分陸釐柒毫除荒實徵
銀壹兩捌錢陸分柒釐貳毫

本州州同俸閏月原額銀伍兩除荒實徵銀壹兩肆錢叁毫

本州州判俸閏月原額銀叁兩柒錢伍分除荒實徵銀壹兩伍

分叁釐

本州吏目俸閏月原額銀貳兩陸錢貳分陸釐陸毫除荒實徵銀柒錢叁分伍釐陸毫

本州學正俸閏月原額銀貳兩陸錢貳分陸釐陸毫除荒實徵銀柒錢叁分伍釐陸毫

本州訓導俸閏月原額銀貳兩陸錢貳分陸釐陸毫除荒實徵銀柒錢叁分伍釐陸毫

康熙肆年舊裁欸項

開封府理刑推官傘扇夫叁名工食原額銀壹拾捌兩除荒實徵銀肆兩柒錢伍分捌釐玖毫

閏月原額銀壹兩伍錢除荒實徵銀肆錢貳分壹毫

本州州同俸原額銀陸拾兩除荒實徵銀拾伍兩捌錢陸分叁釐

本州訓導俸原額銀叁拾壹兩伍錢貳分除荒實徵銀捌兩叁錢叁分叁釐肆毫

喂馬草料原額銀壹拾貳兩除荒實徵銀叁兩壹錢柒分貳釐陸毫

閏月原額銀壹兩除荒實徵銀貳錢捌分陸絲肆忽

門斗貳名工食原額銀壹拾肆兩肆錢除荒實徵銀叁兩捌錢柒釐壹毫

閏月原額銀壹兩貳錢除荒實徵銀叁分陸釐捌絲
齊夫叁名工食原額銀叁拾陸兩肆錢貳分陸釐肆毫
柴釐捌毫

閏月原額銀叁兩除荒實徵銀捌錢肆分貳毫

康熙拾肆年新徵數項

修理

龍亭原額銀壹兩除荒實徵銀陸分肆釐肆毫

糧儲道快手壹名工食原額銀陸兩除荒實徵銀壹兩伍錢捌分陸釐叁毫

閏月原額銀伍錢除荒實徵銀壹錢肆分

本州心紅紙張原額銀貳拾兩除荒實徵銀伍兩貳錢捌分柒釐柒毫

修理監倉原額銀貳拾兩除荒實徵銀伍兩貳錢捌分柒釐柒毫壹絲
提學道歲考科舉賓興原額銀肆拾捌兩玖錢壹分叁釐叁毫
除荒實徵銀壹拾貳兩玖錢叁分壹釐玖毫

季考生員原額銀貳拾兩除荒實徵銀伍兩貳錢捌分柒釐柒毫
新進生員迎送花紅彩旗酒席原額銀壹拾叁兩叁錢叁分叁釐
釐除荒實徵銀叁兩伍錢貳分伍釐

修理城池各衙門原額銀壹百兩除荒實徵銀貳拾陸兩肆錢
叁分捌釐肆毫

應試生員並會試舉人送行酒席等項原額銀壹拾陸兩陸錢
陸分陸釐除荒實徵銀肆兩肆錢陸釐貳毫

康熙拾伍年裁解欸項

鄉試坊牌原額銀叁拾捌兩壹錢捌分除荒實徵銀拾兩玖分
肆釐壹毫柒絲解貯司庫其舉人坊牌銀兩每名貳拾兩俱在
司庫支給

科場原額銀貳拾玖兩肆錢肆分除荒實徵銀柒兩柒錢捌分
叁釐肆毫如週鄉試之年在於司庫下地銀內支給辦理

康熙貳拾陸年停給歲貢欸項

歲貢迎送花紅羊酒表禮等項原額銀肆拾捌兩除荒實徵銀

壹拾貳兩陸錢玖分肆毫

歲貢盤費原額銀叁拾兩除荒實徵銀柒兩玖錢叁分壹釐伍毫

康熙叁拾貳年裁解欵項

布政司本府進表委官盤費原額銀肆兩叁錢柒分伍釐除荒實徵銀壹兩壹錢伍分陸釐柒毫

本州委官進表撰什物卷箱原額銀叁拾兩除荒實徵銀柒兩玖錢玖分叁釐壹毫

康熙肆拾伍年裁解欵項

進士坊牌原額銀壹拾肆兩叁錢捌釐除荒實徵銀叁兩柒錢

捌分貳釐捌毫解司充餉其進士坊牌銀兩每名叁拾兩在京
支給

雍正柒年奉裁燈夫

本州燈夫肆名工食原額銀貳拾肆兩除荒實徵銀陸兩叁錢
肆分伍釐貳毫

閏月原額銀貳兩除荒實徵銀伍錢陸分壹毫

乾隆肆年奉裁改歸款項

開封府管糧通判快手柒名工食原額銀肆拾貳兩除荒實徵
銀壹拾壹兩壹錢肆釐壹毫

閏月原額銀叁兩伍錢除荒實徵銀玖錢捌分貳毫貳絲

以上新舊裁解連閩共實徵銀壹百捌拾玖兩叁錢陸分玖釐
貳毫叁絲貳忽裁歸丁地起運項下充餉

應支欸項

修理

文廟原額銀壹拾兩除荒實徵銀貳兩陸錢肆分叁釐捌毫

本州知州俸原額銀捌拾兩除荒實徵銀貳拾壹兩壹錢伍分
柒釐照數支給不補額銀

門子貳名工食原額銀壹拾貳兩除荒實徵銀叁兩壹錢柒分
貳釐陸毫肆絲

補額銀捌兩捌錢貳分柒釐肆毫

閏月原額銀壹兩除荒實徵銀貳錢捌分陸絲肆忽補額銀柒錢壹分玖釐玖毫叁絲陸忽

皂隸拾陸名工食原額銀玖拾陸兩除荒實徵銀貳拾伍兩叁錢捌分玖釐補額銀柒拾兩陸錢壹分玖釐壹毫

閏月原額銀捌兩除荒實徵銀貳兩肆分伍釐伍毫補額銀伍兩柒錢伍分玖釐伍毫

馬快捌名工食原額銀肆拾捌兩除荒實徵銀壹拾貳兩陸錢玖釐肆毫補額銀叁拾伍兩叁錢玖釐陸毫

閏月原額銀肆兩除荒實徵銀壹兩壹錢貳分叁毫補額銀貳兩捌錢柒分玖釐柒毫

看監禁卒捌名工食原額銀肆拾捌兩除荒實徵銀壹拾貳兩
陸錢玖分叁毫補額銀叁拾伍兩叁錢玖釐柒毫

閏月原額銀肆兩除荒實徵銀壹兩壹錢貳分叁毫補額銀貳
兩捌錢柒分玖釐柒毫

輪傘扇夫柒名工食原額銀肆拾貳兩除荒實徵銀壹拾壹兩
壹錢肆分壹毫補額銀叁拾兩捌錢玖分伍釐玖毫

閏月原額銀叁兩伍錢除荒實徵銀玖錢捌分貳毫貳絲貳忽
補額銀貳兩伍錢壹分玖釐柒毫柒絲捌忽

庫子肆名工食原額銀貳拾肆兩除荒實徵銀陸兩叁錢肆分
伍釐貳毫補額銀壹拾柒兩陸錢伍分肆釐捌毫

閏月原額銀貳兩除荒實徵銀伍錢陸分壹毫補額銀壹兩肆錢叁分玖釐玖毫

斗級肆名工食原額銀貳拾肆兩除荒實徵銀陸兩叁錢肆分伍釐貳毫補額銀拾柒兩陸錢伍分肆釐捌毫

閏月原額銀貳兩除荒實徵銀伍錢陸分壹毫補額銀壹兩肆錢叁分玖釐玖毫

本州州判俸原額銀肆拾伍兩除荒實徵銀壹拾壹兩捌錢玖分柒釐叁毫照數支給不補額銀

門子壹名工食原額銀陸兩除荒實徵銀肆兩肆錢壹分叁釐

米毫補額銀肆兩肆錢壹分叁釐柒毫

原书缺页

原书缺页

閏月原額銀伍錢除荒實徵銀壹錢肆分補額銀叁錢陸分
本州學正俸原額銀叁拾壹兩伍錢貳分於乾隆元年奉文教
職增添全俸每員俸銀肆拾兩敦論訓導貳員共銀捌拾兩除
荒實徵銀捌兩叁錢叁分叁釐肆毫補額銀柒拾壹兩陸錢陸
分陸釐陸毫在於丁地起運項下補給

門斗叁名工食原額銀貳拾壹兩陸錢除荒實徵銀伍兩柒錢
壹分柒毫補額銀壹拾伍兩捌錢捌分玖釐叁毫

閏月原額銀壹兩捌錢除荒實徵銀伍錢肆釐壹毫貳絲補額
銀壹兩貳錢玖分伍釐捌毫捌絲

齋夫叁名工食原額銀叁拾陸兩除荒實徵銀玖兩伍錢壹分

朱釐捌毫補額銀貳拾陸兩肆錢捌分貳釐貳毫

閏月原額銀叁兩除荒實徵銀捌錢肆分貳毫補額銀貳兩壹錢伍分玖釐捌毫

膳夫貳名工食原額銀肆拾兩除荒實徵銀壹拾兩伍錢柒分伍釐肆毫補額銀貳拾玖兩肆錢貳分肆釐陸毫

閏月原額銀叁兩叁錢叁分叁釐肆毫除荒實徵銀玖錢叁分叁釐陸毫補額銀貳兩叁錢玖分玖釐捌毫

本州肆路舖司兵叁拾肆名工食原額銀貳百肆兩除荒實徵

銀伍拾叁兩玖錢叁分肆釐叁毫補額銀壹百伍拾兩陸分壹

釐柒毫

閏月原額銀壹拾柒兩除荒實徵銀肆兩柒錢陸分壹釐壹毫
補額銀壹拾貳兩貳錢叁分捌釐玖毫

以上各役工食連閏共原額銀柒百肆拾貳兩柒錢叁分叁釐
肆毫除荒實徵連閏銀壹百玖拾柒兩貳錢陸分貳釐肆毫柒
絲補額銀伍百肆拾伍兩肆錢柒分玖毫叁絲在於丁地折色
項下補給

本州

文廟祭祀原額銀肆拾伍兩除荒實徵銀壹拾壹兩捌錢玖分
柒釐叁毫補額銀叁拾叁兩壹錢貳釐柒毫又加增銀伍兩均
在於丁地折色項下補給

州社稷風雲雷雨山川城隍春秋貳祭原額銀壹拾捌兩除荒
實徵銀肆兩柒錢伍分捌釐玖毫

禹王湯王仰高三賢八蜡等廟春秋貳祭原額銀貳拾捌兩除
荒實徵銀柒兩肆分貳釐柒毫

郡厲壇叁祭原額銀壹拾伍兩除荒實徵銀叁兩玖錢陸分伍
釐捌毫

以上各壇廟祭祀實徵共銀壹拾陸兩壹錢貳分柒釐肆毫於
乾隆陸年奉文各壇廟祭祀均勻分派額支銀貳拾捌兩柒錢
叁分陸釐壹毫肆絲伍忽尙不敷祭祀銀壹拾貳兩陸錢捌釐
柒毫肆絲伍忽在於丁地折色項下補給

民壯伍拾名工食原額銀叁百兩除荒實徵銀柒拾玖兩叁錢壹分伍釐壹毫

閏月原額銀貳拾伍兩除荒實徵銀柒兩壹釐柒毫於雍正拾年奉文民壯工食並置備器械每名照例捌兩之數支給計酌存民壯叁拾伍名共該額銀貳百捌拾兩除連閏實徵銀捌拾陸兩叁錢壹分陸釐捌毫外撥補銀壹百玖拾叁兩陸錢捌分叁釐貳毫在於丁地折色項下撥給

本州馬快喂馬草料原額銀捌拾陸兩肆分除荒實徵銀貳拾貳兩捌錢肆分貳釐捌毫

閏月原額銀柒兩貳錢除荒實徵銀貳兩壹分陸釐肆毫

本州學正喂馬草料原額銀壹拾貳兩除荒實徵銀叁兩壹錢
柒分貳釐陸毫

閏月原額銀壹兩除荒實徵銀貳錢捌分陸絲肆忽

鄉飲貳會原額銀柒兩除荒實徵銀壹兩捌錢伍分柒毫

以上除荒連閏實徵銀叁百玖拾肆兩壹錢貳分伍釐壹毫叁
絲肆忽於雍正捌年爲請復

文廟祭銀等事案內祭銀補額

雍正拾年爲遵

旨議奏事案內民壯工食加增補額乾隆元年遵欽奉

上諭事案內教職增添至俸又於乾隆叁年遵欽奉

上諭事案內各役工食銀兩不扣荒缺照額全支存留不敷俱於丁地起運項下補給又於乾隆六年爲請酌祭銀以光祀典事案內各壇廟祭祀均與派定額數如有餘剩解司充餉如有不敷在於地丁起運項下補給

雜稅欸項

壹活稅銀

壹當稅銀

壹房地稅契銀

以上叁項本無定額案季彙報俟年底解到準額另冊報銷
壹牙行換帖稅銀伍兩

壹盈餘稅銀叁百叁拾伍兩壹錢玖分

壹新增稅銀壹百伍拾兩

以上叁項額定數目按年解司

案以上舊志之文以乾隆陸年所刊賦役全書爲據今昔分數多有不同茲據現存檔冊一一校正蓋賦役一門將備官司之考核宜遵時制也

軍政

宋前無可攷明正統拾肆年令募民勇者本地官率領操練所謂民壯也然實未操練止備勾攝承差役耳至成化拾叁年始封徽藩於此明制親藩設護衛三千人於是出始有兵矣及載

堦廢而護衛亦裁其因諸王子留者止千戶五員百戶八員總
五百人爲守禦所而已萬曆陸年大梁道駐禹設忠武營配兵
五百以守備壹員領之捌年裁併兵備道尋復設併守禦爲千
人闖賊之亂雖以李公乘雲之忠勇卒莫能禦守衛單弱故也

國朝仍設大梁道隸標兵壹百名康熙元年奏裁其軍器在禹者
大炮貳拾捌尊參眼鎗貳拾捌桿俱於康熙拾年解省訖鉛子

硝黃並革今設係城營分汛駐防禹密干總壹員外委把總

壹員

馬兵拾壹名
守兵伍拾名

分排密縣兵丁拾伍名

內馬兵一
名馬一匹

實存禹州

馬步兵肆拾陸名每汛馬兵壹名守兵肆名瞭臺壹座木坊壹
座烟墩五座官廳壹間營房拾壹間道光拾年巡撫楊 以禹

境界連登密山徑叢雜白沙又屬鉅鎮爲西省商賈往來之區
奏准分設協防外委一員駐白沙之五虎廟以禹汎爲專轄雍
正元年知州屠用謙奉文建南大路鷄鸞舖郵亭街北大路龍
屯舖姚店街營房肆處乾隆陸年知州高鑒奉文建西大路白
沙鎮營房壹處道光柒年知州朱煒重修

額設壯丁伍拾名雍正拾年裁十五名今存叁拾伍名

漕規

禹郡正漕及隨船耗米明舊額伍千貳百玖拾石

國朝除荒實徵米壹千伍百叁石捌斗壹升零運大通倉又運臨

清德州貳倉漕米舊額壹千捌百壹拾伍石玖斗玖升餘量

實徵伍百叁拾陸石伍斗貳升零領運者平山衛爲正兌徐州
衛爲晚兌共貳千肆拾石叁斗肆升零俱在壹條鞭內徵收每
石銀捌錢康熙貳拾貳年巡撫王改折康熙貳拾玖年奉文仍
徵本色運赴衛輝府水次交兌乾隆拾年正改兌閏耗並德州
倉共米壹千捌百肆拾捌石壹斗肆升陸合壹撮

以上
舊志

現管

額徵米叁石叁色正米壹千捌百肆拾捌石伍斗肆升壹合壹
勺赴楚旺水次交兌每石加耗米壹斗伍升共米貳百柒拾柒
石貳斗捌升壹合貳勺俱在津貼銀叁升伍合米運腳不符等

欵項下支取未經報銷

戶部
冊補

郵政

清順驛在東北隅 順治拾伍年額設馬騾驢共肆拾壹匹康
熙貳拾玖年額設馬陸拾玖匹塘馬叁匹雍正伍年增設馬
拾匹舊設驛丞順治拾肆年奉裁併州

遞運所在東北隅 卽清順驛順治拾伍年額設牛夫肆拾名
青夫肆拾名康熙貳拾玖年額設牛夫陸拾名雍正叁年奉
文裁貳拾肆名留叁拾陸名

舖舍凡拾玖總舖在州門東

東抵許州界者叁

卓君舖 褚河舖 珉城舖

西抵登封界者陸

王郎鋪 恩池鋪 孫陽鋪 白沙鋪 閻寨鋪 王橋鋪

西北抵密縣界者貳

看花臺鋪 卜廟鋪

南抵襄城界者叁

均陽鋪 黃呂店鋪 晁喜鋪

北抵新鄭界者肆

拾里營鋪 龍屯鋪 羹城鋪 姚店鋪

今西路及西北各鋪俱廢

正驛自乾隆叁拾伍年以滇黔赴京大路由禹州則驛道紆廻

經巡撫何

奏準改并許州後又以許州至新鄭縣玖拾里而長葛縣之石固鎮至新鄭縣僅伍拾伍里且自襄城縣至石固鎮止柒拾伍里襄城至許州玖拾里復

奏準以許州之驛移於石固將原設禹州清潁驛之馬陸拾壹匹撥叁拾壹匹先并許州後歸石固本州留塘馬貳匹餘變價解驛庫

現在馬貳匹每匹日支草料銀伍分每年支銀叁拾陸兩遇閏加銀叁兩爲夫壹名日支工食銀肆分伍釐每年支銀拾陸兩貳錢遇閏加銀壹兩叁錢伍分遞送公文夫壹名日支工食銀

肆分伍釐每年文銀拾陸兩貳錢過閏加銀壹兩叁錢伍分
理號房銀貳錢伍分玖釐藥材銀肆錢壹分柒釐鞍轡銀陸錢
貳分玖釐料柴值銀陸錢貳分玖釐槽鋤錫油銀叁錢壹分
肆釐

以上各項每年共支銀柒拾兩陸錢肆分捌釐過閏加銀伍

兩柒錢除小建不支外餘剩銀兩徑解臬庫

兵房
冊檔

鹽政

國朝正額食長蘆鹽肆千壹百引

康熙拾捌年增肆百引

康熙陸拾年增叁百叁拾引

乾隆拾貳年食額鹽肆千捌百叁拾引

舊志

嘉慶貳拾肆年食額鹽肆千捌百叁拾引

代銷舊州管鹽壹千引

道光拾年食額鹽肆千捌百叁拾引

代銷潯縣鹽壹千肆百引戶房冊檔

禹州志卷十一

建置志

建邦啟土不能無所興作然古人重用民力凡皆不得已而爲之者也禹之城池署廨橋梁修廢舉墜均如其故著之於篇舊志以坊表寺觀俱列是卷非例也今悉別見以存區畫而以前以諸君附焉述建置志

城池

禹州城

禹城自昔漢時築歷代修濬未詳明正統十三年知州徐明善修成化二年知州鄭珪重修十三年封徼藩於此十六年

少監孫振實奉璽書建藩府重修設千戶所守之正德三年
甃以磚石知州李邦彥實經營之立四門東含春西懷遠南
朝陽北拱辰正德六年流賊趙鳳子圍城賊退復增重門北
近潁河正德十六年知州莫鍾開渠引水注濠後爲暴水衝
決二十餘丈莫能豬水萬厯四十五年巡道曹公爾禎於龍
池築壩障潁水使南流僅至南濠後壩決水歸故道崇禎八
年議引谷水入城濠流至龍池東滲入地中不能達濠城周

二千二百四十丈城址厚三丈上濶一丈五尺城牆高二丈
二尺雉高三尺共高二丈五尺周圍雉二千八百二十城樓
角樓月城弔橋各四 敵臺十六濠濶五丈深三丈濠外土

堤高一丈五尺其護城堤則在西關北關古築以防潁水也
康熙五十二年知州羅之熊增修城門樓四座補週圍城垣
雍正十三年知州梅枚重修四門樓補城垣三十八丈乾隆
元年知州章琦重修四角樓補城垣三十五丈

署廨

知州署

在新安隅金穎順軍故址後改爲州署元末燬於火明洪武
元年知州楊挺因廢址重建明末又燬於火

國初因明懷慶王舊宅康熙二十四年知州胡承祖重建乾隆
十年知州邵太業重修道光十三年知州朱燁捐俸重修實

需工料銀一千四百五十九兩二錢零詳憲立案

續修志

開闢一羅初今因其既見首卷衙門圖
申不復重載其時遺尤本史家互見餘也

州判署

舊在州署西康熙二十五年並乾隆四年州判李鎮基程瀚
先後重脩俱有碑記今與吏目署互易道光十年州判張鉞
捐俸重脩

吏目署

監獄附

舊在州署東康熙三十年吏目謝儒英修後移居新建倉東
懷慶王舊府左掖乾隆十一年吏目李成蛟重脩今與州判
署互易道光五年吏目余文燦重脩迨十三年又請重脩署

大門內南偏向建監獄以慎囹圄道光十三年知州朱偉捐俸修固實需工料銀八百十八兩八錢零詳憲立案

演武廳

在州北二里許教場內康熙二十九年知州劉國儒修年久失修僅存基址道光五年知州朱煒借千總薛國瑞捐俸重修

醫學

在州署南

陰陽學

在州署南

管正司

在大王廟

道正司

在城隍廟

案學正訓導署已見學校志舊志尙載巡按提學道大梁道
三署今因巡按大梁道久已裁缺提督學政已移試院於鄭
州俱不載

橋梁

清潁橋

一統志州北關外跨潁爲橋水漲衝決屢致傾廢前明州

竇信舉人李芬主事馬繼知州莫天麒俱重修有碑

國朝雍正十三年知州梅枚重修歷百餘年失修爲慮道光十年前開歸陳許兵備道今升南河總督麟捐銀一千五百兩命知州朱煒修建乃躬爲相度當水之衝建雁翅壩以殺盛漲工稱穩固費不數者捐廉足之並刻碑于橋以昭憲德

原夫滌原宅隩是州爲禹跡所經故州之名以禹著州境廣衍西南迤邐皆山潁水環其東北潁出嵩少源遠而流長仰觀俯矚明秀莫狀古所謂箕山潁水間也其水激澗數百里激農田無算州境尤利賴之顧其流奔迅噴薄坐灣於州城之北關而適當南北之衝有橋以通行旅名清潁者由來舊

矣蹂躪失修寢至廢圯屢議修而艱於資請之大府復籌款而不得相與蒿目咨嗟者已有年今升廉訪使前觀察麟公聞之矍然曰民病涉久矣何以堪問所需非二千八百金不辦慨以千五百金助屬其餘於煒以成之焉時值冬涸農隙是乘庀材鳩工五閱月而葺事豐梁雁齒規制一新州人士咸抃於室四方之馳驅負販者咸歌於途謂以地方大吏恤民隱而銳自任如公者得未曾有故不徒頌焉慕焉而共進目咋舌驚以爲非常乃以煒平昔知公者論之公仁心爲實見義必爲初非獨厚於禹民而加之惠也亦非斤斤於爲善之獲報而重其施也胞與之量卽事常存憐溺之恩因物付

與力所能則盡之心所安則行之利澤徧中邦而公退然若
處於無事詎一州一邑之輿誦所能彷彿其萬一哉抑聞之
雨畢除道水涸成梁守土者責也以煒承乏七稔目擊天下
工之不容旦夕緩莫能早爲之所重煩憲慮而始告成功不
幾省職對民之增歉歟是則非公之惠以發其端煒又安得
踵厥美以底於成耶官謗之速其將奚辭紀之以誌煒之幸
頌德則非敢僥也知州朱煒撰

建城橋

州西關

頹東橋

州志

州東郭外頽亭下雍正十三年知州梅枚重修

褚河橋

一統志爲褚河渡在州東二十里濟頽參議徐永啟徵蒞建
石橋於渡上州人陳果王廷魁重修

馬踐橋

東郭外頽橋東存真宮前明嘉靖十二年黨路基啟重修

中義橋

州東二十里州人連吉撰記

禁溝橋

州西二里兩橋並駕上有水曰州人

大石橋

州西四十里

小石橋

州西四十里

孟家橋

州西四十里

梁家橋

州西四十里

新石橋

州西十五里明嘉靖九年建

舊石橋

州西玉橋去州治五十里

方山橋

州西方山店

騶虞橋

州西相傳明初時騶虞嘗履此橋

禮義橋

州北龍屯鋪南五里林家河明天順年修

張得橋

州西南三十里張得店明正德十一年建

宋家橋

州西南三十里塘口河古橋明嘉靖四年建

塘口橋

州西南三十里古橋

永濟橋

州西南三十里塘口河上明嘉靖八年建

城東門橋

州東城濠橋舊用木年久朽壞明萬曆二年典膳連世公捐
資重修

花石頭鎮石橋

康熙二十八年知州劉國儒建有碑記

白沙鎮石橋

康熙四十年重修

澗頭河石橋

康熙五十年建州人劉玉成碑俱有

諸倉 諸郵政附

常平倉

舊在西門內後改東南隅共三十一間

新建倉

共二十二間在常平倉東雍正七年知州黃敬中奉文修建

監穀倉廩

五間在新建倉內乾隆五年知州章琦奉文修建

以上各廩共額貯常漕谷貳萬玖千九拾石道光拾貳年知

州朱燁捐廉通修共實需工料銀壹千玖百捌拾叁兩叁錢
零詳憲立案

義倉社倉

舊在州治
東今無

明洪武初置預脩等倉今天下歲豐勸義出粟官籍其數歲
歉則貸下戶秋成還官正統間戶部劉廣衡奏籍民人粟三
等授以職役有差非流徙論死者並聽納贖以脩賑濟

國朝康熙二十年間知州劉國儒捐穀積貯以及禹之士大夫
皆稍稍樂助以實之然無多穀也雍正六年部院石條議題
准檄下郡廣爲勸諭輸粟至萬石以上每里設社倉二座每
倉設社正一人社副一人以司其事春借秋還加一收息歲

欵則免凡社倉二十座其貯穀一萬五千四十一石六斗九升五合七勺嘉慶六年奉准 戶部通行社倉不准官爲經理以致民間出借不復征還寢至流亡虛懸倉貯迨十九年豫省大欵之後撫憲方 奏奉

諭旨設立義倉札飭籌辦知州陸有恒仍社倉舊有之基二十處捐貲修葺並于義讓里方崗地方添設義倉一處共二十一處紳民捐貯穀九千六百二十五石九斗擇里中殷實之人驗充倉正倉副以典出納三年更易輪替充膺優免雜差詳明立案嗣又于鈞陽里分設一處共義倉二十二處

文風里上五甲義倉在楊家店 貯穀一百九十三石六斗

下五甲義倉在紅暢街 貯穀五百一十六石

萬栢里上五甲義倉在張得街 貯穀四百九十七石

下五甲義倉在梁北街 貯穀六百五十四石

禮臨里上五甲義倉在黑龍廟 貯穀五百八石二斗

下五甲義倉在婁庄 貯穀三百八十六石

潁川里上五甲義倉在呂祖閣 貯穀五百五十四石

下五甲義倉在朱家集 貯穀四百五十一石

鎮定里上五甲義倉在石家寺 貯穀四百六十八石四斗

下五甲義倉在郭連街 貯穀八百四十七石三斗

紫金里上五甲義倉在古城寺 貯穀六百八十二石八斗

下五甲義倉在古城寺 貯穀五百九十九石

錫章里上五甲義倉在蔡寺 貯穀四百五十三石三斗

下五甲義倉在盟山廟 貯穀一百八十六石八斗

鈞陽里上五甲義倉在興國寺 貯穀二百七十一石

下五甲義倉在白沙街 貯穀五百九十八石

六甲義倉在葛庄街 貯穀一百二十七石

此由下五甲倉

內分
出

鎮峯里上五甲義倉在順店街 貯穀三百一十五石

下五甲義倉在石佛寺 貯穀二百四十四石

義讓里上五甲義倉在火龍廟 貯穀五百八十五石

下五甲義倉在方崗 貯穀一百六十一石

下三甲義倉在文殊店 貯穀三百三十三石

養濟院

在城東北隅
共房十七間

普濟堂

在湯王廟西雍正十三年知
州梅枚修建共房三十二間

以上二堂收養孤貧向無銷款月給口糧前經知州梅枚撥
入老荒地一頃一十五畝四釐三毫以地租爲取給歲有不
敷歷經陸續捐入地七十七畝二釐七毫現共存地一頃九
十二畝四分七釐又捐入發典生息銀九百四十二兩四錢
歲得租息以給口糧道光四年知州朱煒捐廉重修七年十
一年兩奉藩憲陸札飭稟辦有案

漏澤園

明嘉靖中州民王順劉璋蕪迎公置地在西關外

舊志

國朝康熙中知州劉國儒奉憲置地在東關外立有碑記

舊志

雍正中郡庠馬渥置地在西關外

舊志

乾隆中郡庠志興泰置地在北關外

舊志

道光四年二月知州朱煒捐置地二畝九分四釐坐落東關外大路旁立有碑

禹州志卷十二

學校志

昔孟子論三代學名而曰夏曰校校者教也朱子釋之以教人爲義今天下自京師國子監外至府廳州縣皆有學校豈非教人之道大而遠約而該爲足包有虞商周之所取義而况乎此州爲夏后氏起化所自始哉顧其所統括不必徧舉與祀典同意其興造年月前此及今有文字紀載則皆識之而書院興廢與諸坊表有足徵者亦備采焉凡以明乎其爲教焉耳述學校志

州學舊在州治東北余以元中郡守完顏守信建後燬於兵元

至元二十三年監州州尹王顯祖移建於治之西南明安治七年知州董傑重脩規制益加宏敞嘉靖三十九年知州邱鰲重脩陳東光作記天啟元年知州莫天麟創建奎樓泮池立泮宮坊明末殿宇燬於寇

國朝兵巡道張白昌知州祭永華朱裴重建制中爲大成殿左右兩廡前爲戟門又前爲識星門爲泮池規模粗具順治十八年知州史廷桂請之巡道更加脩葺建三坊泮池前爲泮宮坊康

熙二十四年西廡燬知州劉國儒併牆垣石欄重脩五十六年學正孫用正重脩戟門東廡及省牲所又移櫺星門外石欄圍

繞殿堦櫺星門外易以磚牆後西廡圯僧生宋琮等出貲捐修

雍正元年知州屠用燾

重修大成殿有碑記

七

大清會典大成殿祀

至聖先師孔子四配

復聖顏子

宗聖曾子

述聖子思子

亞聖孟子次十二哲

閔子損

冉子耕

冉子雍

宰子子

端木子賜

冉子求

仲子由

言子偃

卜子商

顓孫子師

宥子若

宋朱子熹

東廡元賢遠埃澹臺

明原憲南宮适

史記

商瞿漆雕開

辨梁繼冉孺伯虔

多言作處

冉季漆雕徒父岐公西赤任不齊公

良繼公肩定鄒單罕父黑榮族

豕語作祈

左人鄆鄭國原亢廉絜

叔仲會公西與如邾巽

史記索隱作邾巽

陳亢

說文作佺

琴張步叔乘

廣少

韻作叔

秦非顏噲顏何縣直樂正克萬章周敦頤程顥邵雍先

儒公羊高伏勝董仲舒后蒼杜子春諸葛亮王通陸贄范仲

淹歐陽脩楊時羅從彥李侗呂祖謙蔡沈陳淳魏了翁王柏

趙復許謙吳澄胡居仁王守仁羅欽順黃道周湯斌

西廡先賢林放處不齊公冶長公哲哀

豕語作克

高柴樊須商澤巫

馬施顏辛

通典作柳

曹卹公孫龍秦商顏高瓊擊赤石作蜀公夏

首后處奚容蒧顏祖句井囂秦祖縣成公祖句茲人汲榮茲

狄黑孔忠公西歲願之僕施之常申機在郎明素冉牧皮公
都子公孫丑張載程頤先儒製梁亦高堂生孔安國毛萇鄭
康成范甯韓愈胡瑗司馬光尹焞胡安國張栻陸九淵黃幹
眞德秀何基陳澧金履祥許衡薛瑄陳獻章蔡清呂坤孫奇
逢劉宗周陸隴其

按舊志不載從祀諸賢蓋以其同於他邑耳然洙泗淵源羣
深鄉往承學之士各直究心書之志乘以備檢閱則亦一邑
之掌故也今敬補入其兩廡位次悉從部頒圖式蓋已考證
史傳按年序次豪忽不爽矣

宗聖殿舊在大成殿西北明嘉靖初年知州劉子曰建殿於宗

順治十八年知州史廷桂改建於大成殿東北康熙十二年知州高良弼重脩五十六年學正孫用正重脩門樓雍正二年知州屠用謙改建於大成殿後擴爲五楹

大清會典正殿祀

肇聖王木金父公正中南向

裕聖王祈父公東一室南向

帝聖王防叔公西一室南向

昌聖王伯夏公東二室南向

啟聖王叔梁公西二室南向配位

先賢顏氏無繇

先賢孔氏鯉

先賢曾氏點

先賢孟孫氏激

東廡三人

先儒周氏輔成

先儒程氏珦

先儒蔡氏元定

西廡二人

先儒張氏迪

先儒朱氏松

敬一亭明嘉靖五年知州劉魁建燬於寇順治十八年知州史廷桂重建雍正二年知州屠用謙改東北舊啟聖祠爲之

明倫堂在文廟西始建於宋

年月失載

明隆慶五年知州楊作舟脩

明末燬於寇順治十八年知州史廷桂重脩並建興詩立禮成樂三齋暨儀門大門雍正十二年知州繆孔昭學正孫鑄重脩及東西齋儀門大門

射圃舊址無考

學正宅明萬曆二十三年知州馬協創建康熙二年學正吉祥重脩四十二年學正竇琬重建雍正五年學正孫鑄重脩

訓導宅在明倫堂西傾圮僅存房三間租居民宅乾隆十八

年邑紳士捐貲於舊基建造住宅房屋十四間五十八年增修
瓦屋三間大門一座二門一座耳房二間有碑記

學制員類

禹州大學學額計五名廩生三十名增生三十名二年一貢

禮部

例則

學田

二頃七畝七分零在城西十里鋪雍正二年公置嘉慶二十二年
監生趙雨粟捐增學田三十三畝五分零有碑記

書籍

康熙五十二年頒發

御纂朱子全書雍正六年頒發

聖諭廣訓十二年頒發學政全書乾隆六年頒發

欽定四書文七年頒發

世宗憲皇帝上諭十二年頒發

御纂周易折中

欽定書經傳說彙纂

欽定詩經傳說彙纂

欽定春秋傳說彙纂

御纂性理精義十二年頒發科場條例

御批通鑒綱目

御選唐宋文醇古文淵鑿十三年頒發

御纂資治通鑿綱目三編明史十五年頒發

欽定科場條例十六年頒發清漢

上諭十七年頒發續增科場條例二十三年頒發續增學政全書

二十三年頒發

欽定三禮義疏二十四年頒發科場磨勘則例二十五年頒發磨

勘簡明條例三十一年頒發

御纂周易述義

御纂春秋直解

御纂詩義折中三十二年頒發

御製文初集

御製詩初集

御製詩二集四十七年頒發學政全書嘉慶三年頒發

御諭講章五年頒發佩文詩韻

儒學

其舊志所載而未詳頒發年月者

御纂孝經衍義宋代六子進位稱先賢圖記

上諭十六條直解駁呂留良四書講義錢名世名教罪人詩

大清會典外官相見儀文武官員儀注文廟禮樂志孝經易知成

均講義樂器祭器紀畧

大清律

聖諭廣訓註解友竹齋教約

大清續纂條例

書院

丹山書院

舊志載康熙伍拾伍年知州李朝柱因鳳臺書院故址改建後爲觀成樓中爲端本堂前爲化雨堂東西兩序及厨舍拾數間延師課士蠲金五百置地柒拾玖畝乾隆柒年知州高鑒增地拾柒畝柒分詳請聚星書院供給銀叁百叁拾叁兩月息以爲脩脯膏火及修葺之資歷時旣久經紀漸弛學舍幾湮蔓草經費亦復無多道光叁年拾月知州朱緯蒞任亟

圖修復遂捐俸錢六百緡以爲倡倡州之僚屬及都人士嚮
風踴躍不數月而輸捐者集貲及萬貫統計得錢壹萬零拾
伍千文庀材鳩工於肆年柒月舉事迨五年貳月告成其制
後層因觀成樓之故址爲尊經閣暨山長齋室前爲講堂暨
諸生學舍又前爲大堂暨東西考棚又前爲貳門大門大門
以東則建

文昌祠前爲

奎星樓後爲正殿又後爲寢室寢室之右闕門與書院通共計
正側房屋柒拾餘間厨湑之屬咸具外而東西考棚設木檯
石桌編列號次內而齋室諸舍備几案床棹以便肄業輸負

一新規制秩秩共工用錢柒千陸百拾伍千文所餘錢貳千肆百千文以捌百千置地壹區以壹百千當地壹區以壹千千發典壹分生息伍百千貳分生息每年計得典息錢貳百肆拾千文其舊存地壹頃捌畝肆分歲得地租錢貳拾肆千文新置當買地壹頃柒拾伍畝貳分伍釐共歲得地租錢壹百貳拾陸千文連典息統計共歲得經費錢叁百玖拾千文以資延師修膳在院肄業生童膏火每課花紅獎賞官爲捐給一切延師考課之法釐定章程詳明憲案刊示于院以垂永久當經巡撫程 爲記泐石並學使吳 方伯楊 廉訪

鄂 禮道祁 各題聯額于院

巡撫程重修丹山書院記禹郡爲中州奧區嵩少在望瀕水環焉川嶽鍾靈人文蔚起蒞茲土者允宜勤求樂育以光

聖天子右文之治州東南隅舊有丹山書院爲多士肄業地顧久

經頽廢計修復之費甚鉅各前牧徃徃畏難因循今朱刺史

焯蒞任之初卽毅然捐俸爲倡鳩工庀材紳士咸踴躍趨事

閱半載而翬飛鳥草煥然一新自講堂學舍及庖湏之屬莫

不堅鞏完整位置得宜復建考棚於其前文昌宮奎閣於其

左規模旣視昔有加且以餘資生息爲師生膏火及歲修之

費並於四鄉分設義學以便蒙求凡所以爲造就人才計者

綦備釐爲章程請記於余余惟修廢舉墜與夫興利除弊之

事其始咸若甚難如果出于誠意經以實心未有不底于成者前事其圭臬也刺史能卽此意以爲治將見厚生利用百度允釐豈獨菁莪被澤而已哉昔黃次公會守是郡史稱其勸民爲善防姦務農桑種樹畜養初若煩碎久而百姓向仁治行爲天下第一鳳凰神爵數集潁上丹山之名殆昉乎此推而行之安見古今人不相及耶余故樂于書院之成進爲刺史勸且以風凡爲牧令者至是役之經始落成歲月捐貲勩事姓名及生息度支各數章程業已悉脩應卽泐之碑陰以垂永久用不復贅是爲記

按舊志丹山書院外又載有九處曰東峯

在州西順店康

州李朝柱改佛寺爲之置地三十六畝七分七釐曰鳳臺在東南隅康熙二十九年知州劉國儒建

曰穎濱在東關穎水南岸明知州莫天麒建直指邱兆麟行部課士中有應鳳樓久廢曰儒林在州

南二十里元楊可道建明嘉靖七年在州西本清涼寺後周長安三

年知州劉魁復建于東北隅今廢曰輞山在州西本清涼寺後周長安三

年創元末燬明洪武二十年建嘉靖十年郡人張鯤改爲書院知州劉魁爲記今復爲寺曰甘棠在東

州劉國儒曰穎川在城南晁喜舖雍正三年知州屠用謙改建曰育賢在禮臨里舊爲關帝

行祠乾隆五年知州章琦建爲義學曰白沙在州西本興國寺明嘉靖知州劉魁改建國朝苗裔振李經

世重修登封耿太史題額康熙五十五年知州李朝柱重修郡人劉玉威爲之記考其遺址率皆

頽廢今之存者惟東峯在鎮峯里三甲穎濱改稱穎濱在穎川里四甲育賢在禮臨里十甲白沙在釣陽里八甲遺

光四年知州朱煒重加修葺改爲義學其餘五處詢之故

老其地其名並不復識矣

義學

在城南街一處

係童蒙書院故址舊有地二十畝道光四年改修義學以租息爲塾師脩脯

在城東街一處

因馬王廟舍宇爲義學道光四年設

文風里三甲一處

坐落楊家店道光四年設

文風里五甲一處

坐落神屋街道光四年設

文風里八甲一處

坐落紅暢街因善才寺舍宇爲義學道光六年增設

萬栢里二甲一處

坐落拂村店道光四年設

萬栢里七甲一處

坐落望月堂道光六年增設

萬栢里十甲一處

坐落梁扎街道光六年增設

禮林里三甲一處

坐落盤村道
光四年設

禮林里五甲一處

坐落二郎廟道
光六年增設

禮林里七甲一處

坐落園劉因水陸寺
舍宇道光六年增設

禮林里十甲一處

坐落孔家樓因育書院故址舊有地二十畝
道光十年撥給鈞陽宮爭訟地三十畝改爲

義學以租息
爲塾師修脯

禮林里十甲一處

坐落鈞陽宮道光十年撥給廟內道人爭訟
地三十畝增設義學以租息爲塾師脩脯

潁川里一甲一處

坐落五里堡道
光六年增設

潁川里四甲一處

因潁南書院故址舊有地一頃道光四年改
爲義學以租息爲塾師脩脯嗣因地多每致

爭訟十三年署知州嚴芝撥出地
五十畝分設呂祖閣義學一處

潁川里四甲一處

坐落呂祖閣撥給地五十畝以租息爲塾
師脩脯道光十三年署知州嚴芝增設

潁川里七甲一處
坐落火龍廟道
光六年增設

潁川里八甲一處
坐落大王廟穀給爭地四十畝以租息爲
塾師脩脯道光十三年署知州嚴芝增設

鎮定里三甲一處
坐落七仙廟
道光四年設

鎮定里七甲一處
坐落郭連街
道光六年增設

鎮定里十甲一處
坐落黃台街
道光六年增設

紫金里二甲一處
坐落高廟道
光四年設

紫金里五甲一處
坐落劉家橫道
光六年增設

紫金里七甲一處
坐落水磨河庄
道光六年增設

錫章里二甲一處
坐落馬場庄
道光四年設

錫章里六甲一處
坐落興隆鎮道
光六年增設

錫章里九甲一處
坐落任庄道
光六年增設

鈞陽里一甲一處
坐落三官廟撥袖爭訟河灘地九十餘畝以租息爲塾師脩脯道光六年增設

鈞陽里四甲一處
坐落水牛劉庄
道光六年增設

鈞陽里八甲一處
坐落白沙街因白沙書院故址舊有地六十畝以租息爲塾師脩脯道光四年設

鎮峯里二甲一處
坐落龍池街道
光六年增設

鎮峯里五甲一處
坐落順店街因東峯書院故址舊有地二十畝以租息爲塾師脩脯道光四年設

鎮峯里九甲一處
坐落方山街道
光六年增設

義讓里二甲一處
坐落晉村道
光六年增設

義讓里七甲一處
坐落方崗道
光六年增設

義讓里八甲一處
坐落文殊店因藍陽書院故址舊有地五十畝以租息爲塾師脩脯道光四年設

按舊志載義學三處一在神尾鎮一在湧泉里一在王家村
又社學九十五處散在坊市村落間明知州劉魁所建今俱
廢惟禮林里存有清流社學題額云云道光三年知州朱煒
蒞任徧查義社各學故址一無存者乃于四年創建考棚書
院之餘遂于十里分設義學十處有所謂東峯書院等處存
有故址者則因而改之不足經費每歲捐廉給之迨六年前
府憲今升藩憲稟 札飭增設義學廣資教育乃復于各區
增設義學二處並在城二處又于十年增設禮臨里二處共
三十四處所需經費內有地畝者不議外餘則歲籌公費銀
四百千文以資塾師脩脯之用其塾師均于歲底考取以定

次年課讀考時稽其授徒多寡給發脩脯歲以爲常詳明憲
案並每年開冊申報師徒姓名及有無增設以備查考十二
年九月署知州嚴芝因潁川里之潁南義學爭訟分設學廡
閣一處並增設大王廟一處均有地畝足資脩脯現在城鄉
共設義學三十六處

坊表附

文廟前三坊泮池前爲泮宮坊東曰德配天地西曰道冠古今
古潁川郡坊嘉惠元元坊俱在州治前今已廢在州西大街者
曰冢宰坊在州西南隅者曰太師坊三孤里坊在州平安隅者
曰繡衣坊在州東南隅者曰進士坊少保坊在州西十字街者

曰凡十坊俱爲明吏部尙書贈太師馬文升立進士馬紀馬斯
臧馬懋舉人馬希龍馬希仁馬斯祖俱附立名焉曰文明坊爲
張時懋立在州西南者曰進士坊繡衣坊清宮太傅坊在州西
大街者曰都臺總憲坊凡四坊爲明大學士劉宇立在州西南
者曰進士坊爲劉仁立曰奕葉雲程坊爲劉綱劉宇劉需劉震
劉仁劉溥劉廣立左柱國坊在南大街者曰五朝元老昭代名
坊曰五馬行春坊爲知州馬璉立在州馬家巷者曰進士御
史坊爲馬紀立在州東街者曰進士坊爲徐永立曰右史坊爲
檢討東光立曰攀龍坊爲徐士彬立曰大中丞坊爲都御史
董世彥立曰兄弟進士坊爲廣東道御史連格行人連標立

州南街曰總督三邊坊爲總督侍郎董世彥立曰恩榮三世坊

爲贈戶部郎中董惟漢山西右參政董九貢觀政進士董學益

立在州東北隅曰鈞鼈坊爲連祥立在州北大街曰孝子坊爲

陳希全立在州北街曰步月坊爲舉人邊寧立曰進士坊爲蔣

瑄立曰恩榮坊爲贈工部侍郎李延立曰三士坊爲進士李乘

雲登雲凌雲兄弟立曰世英坊爲乘雲兄弟舉人李燦雲李芬

李蓋李熹立曰大方岳坊爲左布政使董世彥立恩榮三代坊

爲贈兵部侍郎董琇董效總督三邊董世彥立曰光祿憲副坊

爲尹樂舜立在州西北街曰重光坊爲舉人邊溥立在州西北

隅曰鳳翔坊爲趙源立在州西者曰太僕都憲坊爲党以平立

在州西街者曰都御史少司徒坊爲任洛立曰世御史坊爲馬
紀馬斯臧父子立曰進士坊爲按察使徐衍祚立曰恩光坊爲
封文林郎大理寺評事徐輔宸立曰龍章初錫龍章再錫坊爲
曲周縣知縣再贈江西道監察御史安大法立在州西街後巷
曰都運坊爲兩淮都轉鹽運使徐衍祚立在州辛安隈曰世美
坊爲古紳立在州治西曰解元坊爲董學益立在州前曰黃門
諫議青瑣侍臣坊爲刑科給事中李文郁立在大十字街者曰
司寇世科坊爲封刑部主事王納誨舉人王善進士王述古王
則古立在今廢府第曰父子兄弟御史坊爲贈京畿道連泮江
西道連格山東道連標立舊志不著方隅者曰文明坊爲張時

懋立曰天官大夫坊爲考功郎中張鯤立在州西三十里順店
鎮者曰繡衣坊爲任洛立曰亞元坊爲孫觀立在朱家口者曰
進士坊爲陳經濟立在城南萬栢里者曰忠孝坊爲余爵余正
華父子立在節孝祠前曰節孝坊爲入祠節婦烈女立其節烈
門閭各坊旌表建立者元朱彥良妻賈氏明生員董萬言妻高
氏坊存參政陳經濟妻淑人趙氏李賀妻楊氏劉彥深妻陶氏
王恒禮妻孟氏李增妻劉氏文學妻陳氏周見龍妻安氏孫一
鵬妻董氏舉人陳篤睦妻韓氏生員薛銳妻張氏以上坊圯

國朝弘振妻黃氏秦希英妻李氏郝顯珍妻相氏王家正妻牛氏
劉琨妻靳氏方述振妻晉氏羅乾妻張氏宋一元妻王氏吳生

兒妻烈女王氏王寶妻王氏曹用璧妻王氏魏嶧妻馬氏趙宏
欽妻安氏張連科妻李氏馬耀妻趙氏王得伸妻姜氏以上各
一坊余鑑妻馬氏余潤遠妻康氏余濟遠妻李氏余杰妻何氏
以上共一坊貞壽坊在南街爲鄉耆朱茂時妻董氏百歲立也
八士坊者在學宮西舊志云姓名剝落不全惟育真才三字猶
存學正孫用正考其人得郭學書李乘雲魏尙純魏尙綸彭震
等六人因作八士考其一傳爲史策至丁酉科始中式其一尙
無考今據州人韓世彥云水碓河南一里許有明嘉靖丁酉進
士趙珮墓其碑有八士之稱當卽其一也詳見識餘門

祠祀志

祀典之制凡欽奉

諭旨頒行者當各直省通志載之府及直隸州志可不必詳嫌其僭也况州縣哉今於通行祀典畧載梗概其關於禹者則爲之詳述間取邑人余訓導瑤所著林署考典爲之疏證舊志分祀典廟宇爲二今列於後不復 見焉述祠祀志

禹王廟 州治西明嘉靖十年知州劉魁建康熙 年分巡道

沈萃知州史廷桂重脩知州于國壁建大門題爲古鈞臺

湯王廟 舊在北門內明知州劉魁建康熙 年分巡道沈

荃知州史廷桂重脩雍正三年知州屠用謙改建禹王廟西
按舊志以文廟列祀典首是也惟商王爲孔子前代非但
臣不先君抑且孫不先祖今以夏王爲州始封之祖故與
商王俱列卷首

文廟 興建見學校門祀典詳見 大清會典

余瑄林署考典云明洪武十五年去塑像設木主於南京天
順八年又置鍍金銅像在文淵閣內嘉靖九年天下盡徹塑
像設木主州縣猶有存者

國朝乾隆 九年準河南督學林枝春奏移三教堂聖像於文
廟書院又云按東西哲兩廡向未用少牢惟用豕首豕肉乾

雍正十八年經內閣會典館奏准十一哲東西各豕首六盤每
位豕肉一盤陳設皆沿明舊今十一哲東西各改少牢一案
兩廡改少牢三案又十二哲每位豕一東東西共筐二兩廡
各增香帛一案是

國朝崇聖尊賢邁千古而獨隆矣

知州李大霽重修碑云辛丑初夏余膺

簡命來守茲土甫下車恭謁

聖廟見像主暗淡棖棟漸隳惻然欲更新之會奉 憲檄督理河

工因逡巡未果迨壬寅秋雨連綿傾頽愈甚迺與學博梅君
徐君及諸僚友謀議重修工程浩大恐非易舉爰割俸以倡

一時聞風踴躍各出橐金余卽誘任學博遊紳士素諳練者
共爲籌畫鳩工庀材始於今歲仲春以至秋杪告成共費錢若
千緡前後宮殿東西兩廡燹星門燹門周圍墻垣罔不易廢
爲堅轉舊爲新而規模如初而屹然煥然洵足以安神明而
肅觀瞻也及伐石記事郡多士敦誥以余文余按禹爲古之鈞
臺名勝區也廟建是地起於元初前明屢修至

國朝蕭山史公三韓劉公制頗詳備繼此孝感屠公極力整飭
大爲改觀迄今六十餘年花甲一週而余亦得踵其舊而新
之

聖廟之興修造亦有數存耶間嘗披閱山誌箕頌明秀鍾毓賢家

自漢唐宋明以來清風亮節至性鴻猷如張子房郭定穎辛
肅侯田承君馬端肅顯仕巍科指不勝屈卽今學宮方新而
鄉試登文武榜亦四五人以地靈人傑形家者言非必盡誤
而余心拳拳竊猶有進焉蓋學校爲人才之本教化之源而
先聖賢儒之所以授受俱有定的况我

朝

列聖相承崇儒重道闡發諸經力絕羣言之猥雜士子幸生此時瞻
宮墻之美富聖域賢關時爲往來自宜共相砥礪根柢於經
術以發爲文章事業洙泗薪傳由此階梯庶有當於

聖天子立廟建學崇祀作人之意斯又余爲多士所厚望者乎遂

高州志 卷之十三
三
泚筆以爲之記

文昌廟 舊在文廟左大街道光六年知州朱煒移建城內東
南隅祀典詳見 大清會典

余昭林署考典引陸氏隴其修靈壽文昌祠祀云文昌天神也星有六各有攸司而統之曰文昌蓋道之顯者謂之文將相祿命皆權於道明乎非有追者不得與凡世之不以道而得將相祿命者皆非文昌之所授古之祀之者蓋所以答其默相道統之功而非教人禱祀以求寵利也又曰今新其祀易以木主題曰文昌之神蓋吾知祀文昌而已他非所聞也吾知祀周禮月令史記之文自爲吾道宗主而已他非所知

也。始謂此記題曰文昌之神祀自仍舊而揭出默然之功與
吾道宗主正詣明道之說真端本溯源明明棐常聖人復起
不易也。

知州朱煒重修文昌廟碑夫敬承思偉績享玉帛者先王靈
慕溯童年溫衾席者孝子是以過留侯之洞卽欲徵仙登聶
政之臺猶思任俠董江都策對天人世傳遺業馬端肅疏籌
邊舉家美專祠凡厥高風悉彰前載豈有發奎光於六府而
廟朽康城覃文命於三台而神棲原野者哉禹州城東南隅
舊有文昌宮歲久不治瓦礫無存訪遺址於蒿萊都迷半碣
竚靈旗於風雨誰架數椽樵蘇過而苔荒鏹雨侵而坻盡每

至春秋展祭瞻拜申虔心不齋居地惟露處委隆儀於草莽
等大祀於弁髦縱使俎豆長陳馨香罔替其何以邀明神之
福實足增守土之羞也煒以道光三年承乏是邦訟牘不煩
醇風斯暢爲陶才而居肆因校行而開黌齒餘子者黨庠坐
鄉師者村塾他如鱸庭養老鴻澤濟貧旃檀給孤之園龜豢
演武之地莫不鑒茲前失咸與維新以故禮肅明禋心傷廢
棘謀崇輪奐式廓采思掖左右以洞闢辟寫風雲計羸縮而
程材輦飛棟宇庶幾胸吞丹篆人知司命之尊頭點朱衣士
隸上清之選其時考棚則創建書院則重脩議者以爲三役
迭興兩王並舉黍苗未詠裝楚旋歌得毋因土木而召災撫

泉源而告竭乎不知多矣爲富何愁朽軸之空以道得民具

見琳琅之美而况玉繩華蓋下映蘭臺天祿石渠上侔册府

闕講堂於左次但隔重垣列試院於前楹只鄰新薛勢有類

乎因巖製屋事竟等於合社栖壇然後識締造神宮卽所以

振興士氣也經營皇園原無異欽式師幃也念斯文其有托

畀大役而無辭亦天良之不容異者尙何疑哉爰乃召彼同

官詢諸耆舊解笏金而貯案首倡捐廉執書綬以咨賢從容

善諭果爾家知趨事戶解從公懷瑾握瑜俱拚委積寸絲尺

木並樂輸將於是原隰相基陰陽卜吉蕃籬籊道蔭樹開門

室半畝而稱宮厦萬間而庇土有堂有廡輝煌斗極之司爲

殿爲樓赫濯魁杓之望采廡必崇其製丹漆可耀其華銀凡
二千有奇功甫數月而成之日董事者請屬文以記之
煒也桂樹一枝曾叨祿籍雷封百里與掌文衡仰廟貌之巍
峩表神旗之舄奕數璇璣於七曜愧乏鴻詞書綱紀於三辰
慙無健筆用惟稽其工作誌厥規模勒以豐碑風茲來禩將
使靈衣羽葆共鎮撫於嵩雲廣廈細旃謝浮沈於潁水三德
關帝廟 州治西祀典詳見 大清會典

林署考典載□□□橋水祭典集評引宋氏榮筠廊二筆記

解州牧撰侯祖墓碑事奇而文不雅駟屬錢唐馮景別作記

記云康熙十七年戊午解州有常平士子 者讀書塔廟塔

廟侯故居也昌晝夢侯授以易筆二大字驚而寤見墟井者
得巨甃碎之甃上有字昌急合讀乃紀侯之祖考兩世諱字

生卒甲子大畧循山而東得墓道焉遂奔告解州守王朱旦
朱旦作關侯祖墓碑記記中載侯祖石盤公諱審字問之和
帝永元二年庚寅生居解之常平却竇池里冲穆好道以易
春秋訓其子卒於桓帝永熹三年丁酉享年六十八子龍毅
字道遠性至孝父歿廬墓三年既免喪於桓帝延熹三年庚
子六月二十四日生侯侯長娶胡氏於靈帝光和元年戊午
五月十三日生子平其大畧如此朱旦又言桃園結義之俗
說宜闢伏魔大帝之稱號宜更其論甚正

馬州志 卷之十三
按宋氏所載未知其事果否然不能信其必有亦不能斷
其必無今姑仍詔說以廣異聞若世有議禮博物之君子
董而正之亦格致之一端也

社稷壇 北關祀典詳見 大清會典

林署考典云六經言社始於召誥戊午乃社於新邑馬融曰
言社則稷在其中社稷並言始於詩序載芟春籍田而祈稷
也良耜秋報社稷也陳祥道曰社所以祭五土之元稷所以
祭五穀之神五穀之神而命之稷以其首種先成長百穀故
也稷非土無以生土非稷無以見生生之德故祭社必及稷
以其同功均利而養人故也黃氏幹曰宗伯序祭有社無

舉社則其禮達乎上下舉元則天子獨用之非天子不祭天而天子與庶人皆得祭社尊父親母之義也

風雲雷雨山川壇 南關祀典詳見 大清會典

林著考典引宜都縣志云周禮祀風師雨師唐天寶五載始祀雷明加以雲洪武初祭有分合六年詔以風雲雷雨山川共一壇八年合城隍祭之其壇制崇二丈五尺繚以垣四陞四門從南門入風雲雷雨居中左山川右城隍木主高二尺

二寸 按今城隍別自爲廟不與風雲雷雨山川同壇

風王廟 在具茨山下

先農廟 東關祀典詳見 大清會典

林署考典云先農祭炎帝神農氏壇建東郊未詳丈尺準以社稷壇州縣方二丈五尺未知同否祭用亥日但上辛後亥吉古在孟春今以三月

奎星樓 舊在文廟左大街道光六年知州朱煒移建城內東

南隅祀典詳見 大清會典

林署考典云奎者宿也自明萬歷間各州縣學校皆擇異方高地建樓閣與文昌同祭棘圍亦然按甘石星經云奎壁二星主文章今士子入場屋掄元奪魁謂鬼神效靈而有得不
得豈非命哉何崇奉之如一也沈桐君辨惑論曰魁之爲言首也其旁之從鬼者取音之相近耳進士元魁爲首之義與

北斗之魁無涉世之欲爲元魁塑魁星而禱之不知其形則
塑一鬼一斗像之欲其禱之必定爲魁也更塑一筆一錠而
使其手親執之蓋功名之念人之熱中也久矣

八蜡廟 南關明王述古撰碑文順治六年知州蔡永華重脩
祀典詳見 大清會典

林署考典云八蜡之說不同鄭康成謂先嗇一司嗇二農三
郵表畷四貓虎五坊六水庸七昆蟲八張子厚去昆蟲而增
百種謂昆蟲爲害者不當祭陳祥道之說同於張子而以貓
虎爲禽獸謂記本文有饗禽獸之語以其有功於稼穡從而
索饗之義亦無殊異邱氏濬大學衍義補謂八蜡之名當以

陳氏爲正

考典又云沙隨程氏謂昆蟲者非祭昆蟲也祭其除昆蟲而
有功於我者也除昆蟲者不一而足如火田之子捕蝗之子
禽鳥或能食之霜霰或能殺之說亦甚辨集評取之似終不
若衍義補明晰

劉猛將軍廟 南陽祀宋將劉錡乾隆五年奉

勅建每歲十二月戊日與八蜡神同祭

城隍廟 州治西南隅始建舊志無考洪武四年州判官龍

重修永樂十五年知州劉孟重修成化二年知州鄭珪

正德年王建重修康熙三十年知州劉國儒重修

知州邵大業重修祀典詳見

大清會典

林署考典引祀典集詳云城隍之名見於易廟而祀之李陽
冰以爲始於唐惟吳越間有之宋趙與時以爲李衛公建都
城隍祠李白作於禹州碑杜牧之於黃州韓退之於湖州
趙信陵之於新野皆有城隍之祭則祠不止於吳越又以燕
湖城隍祠建於吳越赤烏二年高齊慕容儼梁邵陵王綸祀
城隍嘗見於史則祀不始於唐矣珽按燕湖祠吳志不載不
知其所據至慕容儼邵陵綸所祀皆因州有神祠俗云城隍
神公私每有所禱其瀾乃民間私立非國制也

知州邵大業重修城隍廟碑傳曰有功德於民則祀之能禦

大災捍大患則祀之。禘之有城隍廟也。謂二氣順四時以通入蜡神實主之。建廟崇奉。代有封號。載在祀典。官斯土者歲時致祭。朔望展拜。罔敢褻越。余承乏禹郡。下車謁神。見重門兩廡。日久傾頽。岌乎有飄搖之恐。至後殿。居中有像如列侯。而旁侍三夫人。以爲寢宮也。顧構榱朽。蠹塑像剝落。又東西有兩神女像。心竊疑之。詢之廟祝曰。此非城隍神。裴山神也。裴山何神。曰。司痘之神也。民間嬰兒患痘疹。皆祈禱於此。余訝其不倫。將遷神於他室。而改爲寢宮。亟召塑工視之。工曰。此固城隍神也。爰有三宮。因備言裴山冠服之異。余因詳初民間訛以城隍爲裴山。增塑一女像。前附會之。遂相沿而不

之察也於是割俸首倡鳩工庀材移兩神女像另立祠於大
殿之西以祀之自門廡殿宇以及寢宮皆葺而新之郡之好
義者踴躍捐金共襄厥事不半載而丹雘黜聖廟貌煥然時
適夏旱禱於神輒應州人益以爲神咸喜工之落成有以妥
明靈而介景福也繼自今神其永佑禹民於勿替也夫是役
也葺新之功余不敢居功而一旦舉數十百年之說說而考正
之夫亦有黑啟之者興工始於乾隆之九年七月迄於十年
之二月需銀以兩計者若干捐貲姓名附載碑陰而董其役
者則候選州同原勳也四例得附書工既竣郡士民乞余紀其
事爲書數語勸諸貞珉

土地祠 在文廟鄉賢祠西雍正十二年學正孫鑄重修每歲
春秋丁日繼文廟祭之

厲壇 在城北祀典詳見八 大清會典

林署考典引宜都縣志云明洪武三年令天下鄉邑郡國各
立壇以祭無祀鬼神壇高一尺五寸東西二丈南北稱之祀
典集評云祭法王有泰壇諸侯有公厲大夫有族厲然不及
庶人考洪武祭文則似專爲庶人者元時長興沈貞有鄉厲
樂神曲然祇是民間私祭非公祀也又祭厲而以城隍主之
蓋孤魂禱氣皆附土中城隍土神故以主之耳

火神廟 州治西南隅祀典詳見 大清會典

林署考典云春秋鄭災禱回祿東漢祀心星城南晉唐因之
宋大歷中修天火神祠崇寧中詔天下建火德真君殿今祀
徧村落矣祀典集評謂古五祀曰井曰竈其理通於庶人火
神之祀或即取祀竈之意乎

旌纛廟 教場演武廳側

五龍廟 州北霸王岡坡歲旱禱雨屢應

卓君廟 州東鎮定里祀漢密令卓茂云因捕蝗於此故建廟
焉明洪武元年鄉人陳口重修

名宦祠 在文廟東明末燬順治十八年知州史廷桂重建康熙
六年學正吉祥重修雍正十二年學正孫鑄重修祀漢潁

川守趙廣 晉陽翟令郭誦明兵巡道李乘雲知州董傑徐
明善朱銓劉魁州判官白瑜

按韓延壽黃霸雖已祀於遺愛祠然名宦祠自不可缺當
與公孫倫寇恂郭伋諸人同增入蓋彼爲私祭此爲官祀
故也

忠義祠 文廟東雍正六年知州黃敬中奉文創建中楹祀漢
留侯張良唐上柱國郭孝恪明贈太師馬文升贈太僕寺少
卿余甯四人左楹祀孝子漢李曇晉庾袞北齊李顯達九曹
從矩明張宗魯袁節董輔楊龜陳希全陳應泗

國朝余正華十一人右楹祀義士明賑饑奏董英李正李銘任

諫梁重陰煥盧綱七人實邊奏表馬貴七品教官馬璋楊瓚
三人

鄉賢祠 在文廟西明末燬順治十八年知州史廷桂重建康

熙六年學正吉祥重修雍正十二年學正孫鑄重脩祀漢張

良晉褚燮緒哀宋李及曹勛孫甫田晝崔鵬田况程搆明李

淑元古朴必劉綱魏清邊寧李性馬文升陳希全楊鼐張宗魯

張慶李昇本十緯党玫郭銓郭學書任洛張鯤馬安馬紀李乘

雲徐純董敬王善魏尙純董世彥党以平李登雲李用賓李

嘉祿安永達安大法連泮連格連標王述古劉峩劉調羹余

爵楊蕙趙口賡

國朝余正華共六五十三人

節孝祠 文廟東北隅雍正六年知州黃轍中奉文創建祀示

朱彥良妻曹氏明參政陳經濟妻趙氏李賀妻楊氏劉彥口
妻陶氏王恒禮妻孟氏李增妻劉氏薛銳妻張氏文學妻陳
氏周見龍妻安氏孫一鵬妻董氏陳篤睦妻韓氏董萬言妻
高氏

國朝張振聲妻黃氏曹用璧妻王氏秦希英妻李氏趙宏欽妻

安氏郝顯珍妻相氏張連科妻李氏王家正妻牛氏魏暉妻

馬氏劉焜妻靳氏馬燿妻趙氏方述振妻晉氏王得伸妻姜

氏羅乾妻張氏宋一元妻王氏王寶妻王氏吳生兒妻烈女

王氏余鑑妻馬氏余濟遠妻李氏余潤遠妻康氏余杰妻何氏共三十二人

遺愛祠 舊祀漢太守黃霸於州東黃臺之上唐建中元年陽翟令皇甫曾改建於西關明知州楊樞徐明善鄭珪王欽俱重修載入祀典嘉靖十年知州劉魁再建於城內東北隅並子產卓茂祠之額曰遺愛康熙三年知州史廷桂並仰高三賢等祠俱改建於留侯洞旁祠祀周鄭大夫公孫僑漢潁川太守韓延壽黃霸上郭伋寇恂密令卓茂明知州潘恩劉魁國朝知州高良弼

仰高祠 舊在東北隅今改建留侯洞旁祀陶唐巢父許由漢

尚書令黃香晉秘書青盧損唐平章事裴度宋觀文殿大學士
晏殊太尉王旦太子少師歐陽修平章事李沆參知政事蔡
齊吏部侍郎宋庠翰林學士承旨宋郊

三賢祠 舊在東北明今改建祀宋二程夫子元許魯齋先生

馬端肅公祠 北關明嘉靖口年勅建祀明贈太師馬公文升

李空同先生祠 東關明祀明提學副使李夢陽日久傾圮後移

回龍寺復移仰高明

董公祠 州治西祀明三邊總督董世彥以參政董九貢配日

久傾圮乾隆十年衣冠孫董大成等重脩知州邵大業額曰江

邵世德

李公忠烈祠 南關祀明兵巡道李乘雲以州同余全生司訓
趙日躋監生侯九韶田種圭生員周鳴岐李儀化陳懋千總
張漢鼎吏目周時敏配康熙二十八年知州劉國儒建知州
李朝柱重脩有碑

沈公祠 東關康熙中，建祀

國朝兵巡大梁道沈荃一雍正元年署州事寧佑重脩

以上係官祀

夫子廟 有三一在社口屋鎮卽義塾也一在永泉里一在王家
三皇廟 城東南隅明嘉靖八年建

三官廟 州西南隅明正德年建

元帝廟 有三一在州南街一在城西北角一在西關外
縣政
塚上

東嶽廟 有三一在州東關外一在順店一在白沙里

洪山廟 有二一在西南隅一在州西關外禁溝北崖

中嶽廟 方山里始建以無考元至元四年鄉民李玉重脩

湯王廟 安慶里楊園店西南

高祖廟 東會里

舊志謂祠炎漢劉宣祖按陵墓門謂後漢高祖睿陵漢隱帝

穎陵俱在禹此蓋後漢高祖廟也舊志不爲之辨過矣始建

年月無考明永樂二年鄉人樊大重脩

百靈公廟 東會里 始建無考元延祐九年鄉人常希重修
山神廟 西會里神廬山之上明永樂二年周王獲驃虞因建
廡

湫水廟 金大定年建元至正年重修明萬歷元年鄉民曹景
陽重修湫水井在廟院內

五郎廟 州西仁義里始建無考明洪武十七年鄉人劉恭讓
重修

二郎廟 有四一在州西關一在州北一在順店一在三峯山
南

金龍四大王廟 在州西關

按州無河患其有河神廟者以地爲商賈湊集往來必由河故建廟以祈禱焉

崔府君廟 在州西關

少姨廟 州東南紫雲里始建無考宋咸平二年州守李昌言重脩

裴山廟 西關外西湖游覽志曰神張姓諱森相州湯陰人故有皮場鎮神時爲鎮庫吏謹事神農禱神役蠟鎮民德之遂立祠凡疹疾瘡痘有禱輒應宋建廟於汴京建炎南渡有商人携神像至杭復主廟額曰惠應俗呼皮場廟云

按今杭州皮場廟尙多蓋沿汴中舊俗也

玉仙廟 州西玉仙里

子產廟 州北十五里

白龍王廟 州西董池街

黃龍子廟 有二一在州西北康城里一在韓城里

黑龍王廟 州西二十里

火龍王廟 州西十八里

以上係私祀